

Kura Meitani'axia

Wairitsika

¹ Ne Kura, Ketsutsi Kiritsitu hetsiemieme nekatini'uximayatametini meta Kakuwu 'iwaya nekanihikitini.

Nekanixewairitiaka xeme xeminaki'eriwa Kakaiyari mita'ukiyaritsie xetewiyati, Ketsutsi Kiritsitu mixe'iwiya xemuta'inierie xemitawikweitsitiarieniki:

² Xekenanimayatsieka, xekepitarietaka yu'iyaritsie xemika'uximatiariekaki meta xekenaki'eriwani waikawa.

Mete'itawati kememite'ikitani

³ Nenaki'erima, kwini mieme nekanine-mexiitiakaitini nemitixeti'utiirieniki tanaiti 'ax-eikia ketemitetawikweitsitiariexime hepaitsita, peru kaneuyeweka yanemitixeti'utiirieniki hiki wairiyarika nexepitiati xemi yukwitiweniki tita yuri temite'erie hetsiemieme, tita Kakaiyari teiterimama xeimieme temiteyetuiriyarie hetsiemieme.

⁴ Hipati teiteri tatsata mekanatahaxiani 'awie, meripai mekaniukayatsariexiani mipai memitemari'itiarieniki. Kakaiyari mepika'ayexeiya, mekanipata tita Kakaiyari mitiwamikwa 'aixia tiuka'iyariti, para memiyutatuaniki merukuyatiweti xeikia. Mekaniyuku'imawani mipai me'utiyuati kename

meka'imate kemi'ane hikiati mitakutsiyari
mitati'aitiwame Ketsutsi Kiritsitu.

⁵ Tsepaneti xeme mipai xemitehetima naimeki,
nekanixehaye'eritiamiki kemitiuyi hepaitsita
kepauka Ti'aitame miwarutawikweitsitia
'Ixaheritsixi teiteriyari 'Ekipitu kwieyaritsie
wareyewitika, warutawikweitsitiaka 'arike
kaniwaruka'una miki yuri memikate'eriekai.

⁶ Niuki tuayamete memikayi'iwiyakai
kememitehiritiariekai, matsi yukie memuku'eiri,
miki Kakaiyari kaniwaranutaxirieni yuheyemeki
yiriyatsie memitaxanetsieniki tukari mimariwe
'aye'ayu.

⁷ Yaxeikiata Tsuruma meta Kumuxa
meta kiekarite 'auriena mamanetikatei,
'iniari memakineki memari'itiarietiweti,
mete'uka'eniexiaka taipa yuheyemeki
mitaiwetsie, 'amemu'uwakaiki miki
mewakumaiwati kemi'ane mikawa'iyatikai
mikawakinatikai, me'ikumaiwati titaki
memiteyutsewiximakai.

⁸ Peru hiki miemeteta yaxeikia mekani'aneneni,
kememiteheinitsa mekanitsewiximaka
yuwaiyari, mekanixani'erieka kemi'ane
ti'aitame mihiki, mekaniwatsewiximaka
mamariwawemete 'axame'utiyuati wahepaitsita.

⁹ Miki Miyeri niuki tuayamete tiwa'aitiwame
mihiki, kepauka Kauyumarie hamatia miki niuki
memixiatiakai Muitsexi kaxarieya hepaitsita, miki
pikayuwa'iriyakai 'axamititahiaweki Kauyumarie
hetsie tiuhipati, matsi mipai kaniutayini:
«Ti'aitame kematsi'utatieni».

¹⁰ 'Iki pita matsi 'axamekaniutiyuaneni tita
'atsimemikatemate hepaitsita, kememitemate,

yikimana xeikia mepitemate tatewama
memika'u'iyari wahepai, mipai metemaiti
'ayumieme mekaniyuka'unani.

11 Xia'ui kemi'ane Kahini huyeta
memeukayunxi hepaina meteyurieti. Tuminiki
mekaniyutatuani memeuyexirieniki Warami
hepai miti'iwamikikai hepai, mekaneuyeweni
kepauka Kure Muietsexi maye'uniekaitsie.

12 'Iki mekanitsewiximaka xe'ikwai
kepauka xeyunaki'erieti xemitekwa'a,
memikateheuyuyehiwiriekiki kepauka xe-
hamatia memitekwa'a, muxatsi wahiwemete
mehayuyetiati mepiteyumikwa xeikia. Haiwitiri
mayewawaki hepai mekani'aneneni 'ekaki
meku'enetiweti, kiyexi hepai mekani'aneneni
memika'utixuxuawere tukari maye'axetsie,
hutakia mepukwi, mepiwatihunarietika.

13 Mematsiikiti mepayuyetiwa kememiteyurie
meyutewiyatsitiati, yaxeikia hamewari
mayu'eriya mikwaimuxa matsiikime
kemirayuyetiwa haramaratsie. Xurawetsixi
memeuyexiriwe wahepai mekani'aneneni, yiriya
kwi miyiwi kaniu'iwiyarieni wahetsiemieme
yuheyemeki.

14 Miya memi'anene meripai katiniwakux-
axatiwakaitini 'Enuki 'Arani mixiyyarieyatikai
'atahutarieka mieme, mipai 'utaiti: «Ti'aitame
nekaniuxeiya nuaximeme yuteiterima warawititi
yumiireme miriyari meyupaimeme,

15 yunaima wataxanetake, yunaiti Kakaiyari
memika'ayexeiya wahetsie tiuhianike
naime hepaitita kememite'uyuri Kakaiyari
meka'ayexeyati watahiaweke, naime niuki

mihaxiaya hepaitsita, kememite'iniukima
Kakaiyari 'axateyuruwamete Kakaiyari
memika'ayexeiya».

¹⁶ Miki mekanihikitini niuki xiatiakate
niukixiwiwamete, kememite'ukahiwe'erie
xeikia 'amekaniu'uwani, waikawa mepitekuxata
meteyukatawe'erieti, niukiki me'utiniuti mekani-
watemawieritiaka teiteri memiwara'iwani.

Kemitiwa'imaiyakai kemitiwatuikakai

¹⁷ Xemetsi nenaki'erima, niuki xekena'eriwani
meripaiti kememutiyua Tati'aitiwame Ketsutsi
Kiritsitu ni'arimama yakatijiwekaku 'akuxi.

¹⁸ Mipai mekatenixekihawekaitini: «Tukari
taparirimekaku mekanitixuawerikuni
teyunanaimawamete, 'amekaniu'uwakuni
kememite'ukahiwe'erie xeikia Kakaiyari
meka'ayexeyati».

¹⁹ Miki mekanihikitini kemi'ane teiteri yuhet-
sie memitewawiyatsitia, 'iyaritsie memitewiya
meta 'iyaritsie mekikatewiya, peru yuri 'Iyari
mekikahexeya.

²⁰ Peru xeme nenaki'erima, xekeneyutseiriyani
yunaiti, yuri kexemite'erie tita mitipatsietsie,
xekeneyunenewieka 'Iyari Mitiyupatsie
xetewiyati.

²¹ Xekeneyi'iwiyani Kakaiyari xenaki'eriekaku,
xekeneuta'ikwewani maye'aniki Tati'aitiwame
Ketsutsi Kiritsitu kepauka mixetinenimayata
mixepitiani tukari mikaxiwe.

²² Xekeniwanenimayaka hipame
memeu'erietiwe,

²³ xekeniwawikweitsitiaka miki xewaranayeha-
panati taipa. Hipame meta kexemitewanenimaya

xeke neumamaka matsi, xekenexani'erieka 'atsita
wa'ixuriki xika tsewiximarieka kememite'uyuri
yuwaiyaritsie metewiyati.

'Aixia kemutayi Kakaiyari hepaitsita

²⁴ Kakaiyari muyuxewi, tatsi wikweitsitiwame,
miyiwe mixe'iwiyani xemika'atixiriweniki,
meta miyiwe mixe'aye'atianiki kemi'ane
witsimi'ane hixie xehetsie katiuhiiwakaku meta
xeyutemamawiekaku,

²⁵ miki witsiketixeyarieka, kemariweni,
ketirikaïyeni meta keti'aitani, Ketsutsi hetsie
tiwiyati tati'aitiwame, tukari katsutiariewekaku,
hiki tukari meta yuheyemeki mieme. Mipai xeikia
kani'aneni.

**KAKAFYARI NIUKIEYA XAPAYARI
WIXARIKAKI**
**The Holy Bible in the in Huichol language of Mexico,
2020 edition**
**La Santa Biblia en lengua huichol de México, edición
2020**

copyright © 2020 Wycliffe Bible Translators, Inc.

Language: Huichol

Translation by: Wycliffe Bible Translators, Inc.

Huichol [hch], Mexico

Copyright Information

© 1988-2020, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Holy Bible

in Huichol

© 1988-2020, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-09-03

PDF generated using Haiola and XeLaTeX on 6 Sep 2025 from source files dated 4 Sep 2025

79690d81-fd4b-51b4-a3a6-712e0fddaca3